

Hafnarfjarðarbær
Innk: 5/1 2017
Málsnr: 1304501
Bréfat: 551

ORKUSTOFNUN

Orkuagarður • Grensásvegur 9 • 108 Reykjavík
Sími: 569 6000 • os@os.is • www.os.is

Hafnarfjarðarbær
Strandgötu 6
220 HAFNARFIRÐI

Reykjavík, 3. janúar 2017
Tilvísun: 2013040036/50.4.4
Verknúmer: 1093000

Efni: Úrskurður úrskurðarnefndar umhverfis- og auðlindamála, ÚUA, í máli nr. 3/2015 vegna Vatnsendakrika

Orkustofnun hefur kynnt sér úrskurð úrskurðarnefndar umhverfis- og auðlindamála, ÚUA, í máli nr. 3/2015 vegna Vatnsendakrika.

Úrskurðurinn varðar m.a. nýtingarleyfi Orkustofnunar til handa annars vegar Orkuveitu Reykjavíkur Vatns- og fráveitu sf. [nú Veitur ohf.] og hins vegar Kópavogsbæjar á aukinni vatnsvinnslu í Vatnsendakrikum í Heiðmörk, dags. 12. ágúst 2015. Fram kemur í umræddum leyfum að með ákvörðun Skipulagsstofnunar dags. 10. desember 2014, hafi legið fyrir að umræddar framkvæmdir leyfishafanna, á aukinni vatnsvinnslu í Vatnsendakrikum í Heiðmörk, skuli ekki háðar mati á umhverfisáhrifum. Var það m.a. ein af forsendum nýtingarleyfanna. Með umræddum úrskurði ÚUA í máli nr. 3/2015 liggur nú fyrir að vatnstakan í heild skuli háð mati á umhverfisáhrifum.

Orkustofnun bendir á að úrskurðurinn fellir ekki úr gildi umrædd nýtingarleyfi Orkustofnunar á aukinni vatnsvinnslu í Vatnsendakrikum í Heiðmörk. Hins vegar gæti lögbundið mat á umhverfisáhrifum haft áhrif á skilyrði leyfanna, eins og bent var á í samhljóða fylgibréfum stofnunarinnar með umræddum leyfum, en þar segir m.a.: „Orkustofnun ... áskilur sér rétt til að setja viðbótarskilyrði í meðfylgjandi leyfi á grundvelli mögulegs umhverfismats, komi til þess að niðurstaðan úr framangreindu kærumáli verði á þann veg“.

Orkustofnun mun því í ljósi mats á umhverfisáhrifum vatnstökunnar og eftir atvikum breyttra forsenda þeirra, endurskoða leyfin þegar það mat liggur fyrir.

Virðingarfyllst
f. h. orkumálastjóra


Skúli Thoroddsen


Kristinn Einarsson

Samrit sent til:
Orkuveitu Reykjavíkur Vatns- og fráveitu sf. og Kópavogsbæjar